

# Vuk'uzenzele



Produced by Government Communications (GCIS)

English/Sepedi

| Phupu Kgatišo I



## The people's President



ALSO AVAILABLE ON:



@VukuzenzeleNews

Vuk'uzenzele

Websites: [www.gcis.gov.za](http://www.gcis.gov.za)

[www.vukuzenzele.gov.za](http://www.vukuzenzele.gov.za)

Email: [vukuzenzele@gcis.gov.za](mailto:vukuzenzele@gcis.gov.za)

Tel: (+27) 12 473 0353

FREE  
COPY

Presidential Inauguration Special Edition

# Lesolo la YES le fa baswa maphego a go fofela mošomong



**L**esolo la Ditirelo tša Mešomo ya Baswa (YES) le ikemišeditše go fa baswa ba milione o tee bao ba sa šomego maitemogelo a mošomo ao a lefelwago mo nakong ya mengwaga ye meraro.

Lenaneo le, leo le tlilego ka Mopresidente Cyril Ramaphosa, ke lenaneo leo le ikemišeditšego go lokišetša baswa mešomo le go ba fa mabokgoni a tša mešomo ao a hlokegago go thekga tlhabollo ya intase-teri ya ikonomi.

YES gape ke maitekelo a mmušo, bašomi le dikgwebo ao a netefatšago gore baswa ba Afrika Borwa ba itokišeditše go tsena ka le-kaleng la mešomo.

Go fihla gabjale, lesolo la YES le kgonne go kgobokeletša baswa bao ba sa šomego dibaka tša mešomo tše 17 000.

Ge e ba o moswa gomme ebile o ka rata go ba karolo ya Lesolo la YES, gona tše di latelago ke tše o hloka-go go di tseba:

## Ke eng seo se kgontšago baswa gore ba kgone go ba karolo ya lenaneo la YES?

Baswa ba YES ba swanetše ba be:

- Bathobaso, go ya le ka tlhalošo ya BEE.



- Magareng ga mengwaga ye 18 le 34 (bjalo ka ge mengwaga ye e hlalošwa gore ke ya baswa); gomme ba be badudi ba Afrika Borwa.
- Lenaneo la YES ga se la baswa bao ba nyakago go tloga mošomong woo ba o šomago go ya go wo mongwe, empa ke la baswa bao ba sa šomego.

## Ke mangwalo afe a dithuto ao a hlokegago gore motho a be karolo ya Lesolo la YES? Naa motho yoo a se nago lengwalo la dithuto la yunibesithi a ka ingwadišetša lesolo le?

YES ke ya baswa ka moka ba Bathobaso bao ba sa šomego ba mengwaga ya magareng ga 18 le 34 go se na gore motho o fihlile kae ka dithuto.

## Naa le kgona go thuša le baswa bao ba dulago dinagamagaeng?

YES e nepišitše go baswa ka moka bao ba sa šomego ba bathobaso ba ka Afrika Borwa gohle moo ba lego gona ka mo nageng.

## Naa YES e fana ka dibaka tša thušo ya mašeleng, dikantoro le/goba didirišwa go mekgatlo yeo esego ya mmušo le dikgwebopotlana?

Mohuta wa thekgo woo YES e fanago ka wona go dikgwebo le mekgatlo yeo esego ya mmušo ga se wa mašeleng, empa ke wa tlhabollo ya bašomedi gape le go tsentšha baswa ka dikgwebong tše bjalo ka bašomi. Ka manyami, ga re kgone go ka fana ka

mašeleng, dikantoro goba didirišwa goba go go kogagantšha le batšeakarolo ba bangwe.

## Naa YES e thuša bjang baswa bao ba nyakago go ba le dikgwebo? Naa le fana ka mašeleng?

Ka manyami, YES ga e fane ka thekgo ya mašeleng go baswa bao ba nyakago go ba le dikgwebo. Le ge go le bjalo, re ka thuša dikgwebopotlana tše diswa (di-SMME) ka go di hlahlelela ka baswa ba megopolu ya maphefo.

## Ke na le kgwebopotlana gomme nka rata go thwala baswa ba YES, efela nka se kgone go ba lefela megolo. Naa nka tsenya letsogo bjang go YES?

Go tsentšha mošomong goo go thekgwago ka mašeleng ke karolo ya lenaneo la YES. Dikgwebo tše kgolo tše di fihlelago dinepo tše YES di ka kgetha go tsentšha baswa mešomong ka dikgwebong tše bona goba ka go di-SMME tše di nago le dikgoba ka mokgwa wa go tsentšha mošomong woo o thekgwago ka mašeleng fao mongmošomo a sa lefelego

selo. Moswa o tla šoma ka kgwebong yeo e mo filego sebaka lebaka la dikgwedi tše 12 gomme o tla lefelwa ke khamphani yeo e mo thekgago ka mašeleng.

## Naa nka kgetha baswa bao ke nyakago go ba tsentšha mošomong?

Ee, o ka kgona. Re tla šoma le wena go kgethela setheo sa gago motho wa maleba.

## Naa yena moswa yoo a ka thekgwa ka mašeleng go feta ngwaga wo tee?

Aowa. Baswa ba YES ba thekgwa ka mašeleng lebaka la ngwaga wo tee feela.

Ge o ka tše sephetho sa go thwala moswa wa YES morago ga ngwaga, gona o tla rwala maikarabelo a go mo lefela mogolo.

## Ke šetše ke ingwadišitše. Naa dibaka tša go lokelwa mošomong di thoma neng?

Gabjale re kalokana le tshe-pedišo ya go hlama dibaka tša mešomo, e lego tshe-pedišo yeo e raraganego, ye telele.

Le ge go le bjalo, sehlapha sa rena se šoma ka maatla go phethagatša taelo ya go hlamelba baswa ba Afrika Borwa bao ba sa šomego dibaka tša mešomo tše milione o tee. Ge re se no fetša go hlama maitemogelo a, re tla napa ra thoma go lokela baswa mešomong. Ge eba o ingwadišitše, re tla ikgokaganya le wena. ■

## Naa ke ingwadišetša go ba moswa wa YES bjang?

Tsena websaeteng ya rena ya www. yes4youth.co.za/youth-registration moo o ka kgonago go ingwadiša bjalo ka moswa wa YES.